

ادع الى سبيل ربك بالحكمة والموعظة الحسنة

حکمتین

نوی

صاحب امتیاز و سر محرری
نازید مجیر درساملرندن و ایاصوفیه
واعظ لرندن
خیر الدین

مدیر مسئول
ابن الیتم محمد نورالله

محل اذ رہی باب عالی جوارنده بوالسرد
جاده سنده (نجم استقبال مطبعہ سی)

محل توزیع باغچه فیوسندہ ۸۸ نورولی
حسن علی زادہ برادرلک دکانی

مسلکمزہ موافق آثار مع المنونہ
درج ایدیلیر

مخابرات اداره نامنه کوندرله لیدر

حق وء له خادم دینی ، اجتماعی ، فنی ، ادبی ہفتہ لاق مجموعہ اسلامیہ در

آپونہ پیلو ۱۲۵ فروشد

فرانسزلرك تعبير نجه ساخته مسلمانلرك قاننى اللرينك باطل واطل ذهيتلرينك بر نتيجه مشومسى اولديغنه شبهه ايديله بيلورمى. خلاصه مانع ترقى اولان سالف العرض دين اسلام دكل، صوك زمانلرده طهر ايدن بر طاقم اشخاص لئيمهك بوكى باطل ذهيتلرى . عاقل، سرفيه شخصيتلرى اولديغنه جهان شاهددر . مابعدى وار

خير الدين

عدالتك مباحث دينيه سى

دين جليل اسلام معامله ناسده، تجارتده، معاشرتده، اخلاقده، عبادتده، حكمده، عدالتى صورت مؤكده ايله امر اولمقده دين مانع ترقيدر دعواى فاسديله و مزيايتله اضلال ايديلانلرك هر نقطهده ظلمى مباح عد ايتملرى لازم كليركه بونظريه بى التزام ايدنلرك هر فردى استبداد مستقلى شخص ايله مألوف، ترقى و تكامله پاس طومش دميرلر كى مانع و مخرب اولش اولورلر . دين معامله ناسده عدالتله آمردر. چونكه بى آدمك اسباب حيات و آياشنى تأمين انجق مجتمعا كتله معظمه حالتده يشامقده اولور، بو ايسه هر فردك تخصص و تميز ايتديكى جهته ديكرينك احتياج ضرورى ساقه سيله حاصلدر. بشرىت قوه بهيميه ايله قوه ملكيه دن مركب اولوب مضرت متعديه سندن صيانت ايجون دينا امر عدالت وضع اولومشدر . غلبه بهيميه ايله مالا بدنا روحا تعدي منع ايجون عقوبتك تخصيصى لاعنه مجازاة ديكرينه عبرت و سياست مقامدهدر. عقوبت لازمه و مجزومهده فردده عدالتى احوال جنسده تعامل بهيميهك ابتدائى موجب و بالنتيجه غير قابل تعبير سقوط اخلاقى مقتضى اولمقده حكمت تشريعه الهيمده مستحقين جزا اولانلره اجراى مجازات حقننده مسامحه و شفقتى منع ايتك صدودنده

ايدمك انجق كنديسنك سى و عمليدر) بوندن اولمق اوج كسور عصر مقدم شرفيزول ايتش اولديقدن اوروپا حكماستك اون ايكنجى عصر مجريده نائل اولدقلى سى و عمل دستورنى و بونور عالينى قرآن حكمتفشاف ييك اوجيوز كسور سنه اول اعلان ايتش و بونور تله دين اسلامك قطعاً مانع ترقى اوليوب ترقيتك اك يوكسك مروجلردن اولديقى اثبات ايتشدر . نوع بشر هيچ بروقت سى و عملدن آزاده اولميه جنى جهته قرآن عظيم الهانك الى آخر الدهر بتون انسانلر اوزرنده قابل تطبيق بر قانون احكم و بر دين عمومى اولدينى تماميله آكلا علمشدر . بعض قصر بصر اربابنك دين اسلام مانع ترقيدر ديه صايعلامسى حقكو بعض اوروپا حكماستك دنى صوك بر نغرتله تاقى ايدمك جگنه شبهه ايديله مز . چونكه دين حقيقى اولان اسلاميله فلسفه حقيقه آراسته اصلا مابيت اولميه جقندن اسلاميك مانع ترقى اولديغنه نائل اولانلر بالطبع (آدم اسميت) كى اوروپاچه مشاوبالتيان اولان ذوائى دنى تكذيب ايتش اولمقجلردن اسلاميت نظرنده بوكى كسلر نصل مقدوح ايسه اوروپا حكما سى تزدنده دنى اونستبدده مقبوح و نغرتله ياد اولمجه جنى طبعى دكليدر. بونار اسلام نامى طاشيدقلى حالده مجرد بعض غرضكار اوروپايلرله خوش كورونمك ايجون شو خلاف عقل و منطق سوزلريله دكل اسلاميت انسانيله دنى اصلا علاقه دار اولدقلى اثبات ايجورلرمى ؟

ذاتاً دين اسلام هر عصرك معقول و مشروع اولان لوازم مدنیه و ترقيات قيه سيله مجهز اولماق اسلام حكومتلر تمام بر مسلمان حكومتى اولمق قبول ايتديكنه دائر المزمده متعدد آثار موجوددر . بناء عليه دولت هليه عثمانيهده خيل زماندنيرو كوريلان انحطاط و تدنىك اسبابى دين اسلامك احكام عاليه سنه رعايتدن دكل ، رأس كاردده بونوبده اسلاميك احكام جليله سنه رعايت ايتيان

توبخیله رعایت حقوقك نظر دیانتك هر شخصه قارشی واجب الادا اولدیغنی اخبار بیور مشارددر، معاشرتده کی عدالت كله جك نسخه دودر .

شیخ سالی

حدیث شریف

من عامل الناس فلم یظلمهم و حدثهم فلم یكذبهم و وعدهم فلم یخلفهم فهو من کملت مروتہ و ظهرت عدالته و وجبت اخوته و حرمت غیته .

سرور عالم صلی الله علیه وسلم اقدم من حضرتلری بو حدیث شریفلریله کاشته نمونه انسانیت اوله جق مکارم اخلاقی توصیف و مزایای مذکورہ فی ذاتہ جمع ایدن هر هانکی بر اسلامک هر هانکی بر مؤمنک امثال و اقرا نی اراستده تکریملره عطا بلرله تحسینلره مظهر اوله جفی تبشیر بیور یور لرامت مرحومه محمدیه مدن بریسی بالعموم ناسه حسن معاملہ ایدر ده اللهک، پیغمبرک، انسانلرک نفرت و امراض ایتدکری ظالمانه حرکاتده قاچینیر و انانی محبتده هذل و جدی بتون اداره کلامنده بی نوعنه قطعاً یلان سویله من وانلره قارشی ایتدیکی وعد و عهدی ثابتقدم اوله رق بوزمازسه بو اوج خصلت جالبه ایله متصف اولان بر مسلمان مروت و انصافلری تکمل ایدن عدالتلری خورشید جهانتاب کی جهان مدنیت و انسانیت یابییلان و بو وسائل ایله اخوت اسلامیه لری واجب و کندیلرینک غیابنده لایق اولیه جق طرزده آ کیلمه لری حرام اولان بختیاران ملت و مسعودان امت زمره سندندر . مسلمانلر زما تزدده بو فرمان پیغمبری به عجا نه درجه لرده امثال ایدیورلر و عدم امتثالن نه کی

استعذ بالله (ولاناخذکم بهمار أفة فی دین الله) بیور مشدر تجارتده عدالت (التاجر مرزوق المحتکر ملعون) حدیث لهر یفلریله تاجر رزق و اسعله مرزوق محتکر ایه نظر حق و خالقده مبعوض و منفور و یمکدر . چونکه فاحش قیانتله حین مبادلده بایمک قلبنده حاصل اولان تأثر و جریحه معنویه خلق طرفندن مبداء نفرت اولدیغنی کی انسانیته غیر لایق مکرو خدعه حرصین سببیلده حق طرفندن برکتی مسلوبدر . هر ایکی جهتک فلسفه دینیسی جزای مساوی ایله مجازاة (من احتکر علی اموال المسلمین ساطه الله الجذام و الافلاس) حدیث شریفیه تعیین بیور مشدر که حین تجارتده ظلم و تعدی حرص شهنوائیه سببیله ابنای جنسنتک مضرت مالیه سببیله احتکار ایدر سه آکا ایکی آفت مسلط اولور . بری اویوز عانی دور که مشرتینک قلبنده ایقاع ایتدیکی جریحه تأثرک بالبعده جزاء منلیدر . بری ده افلاسدر که یا خارق و یا سارق و یا خود مال لذاته منفعت ایکن مضرت صرفی سببیله حقیقتندن اخراج افلاسدر . بوده قدره قاهره طرفندن مراتب ثمره حرصک محرومیتله عقوبت و عقامتیدر . احتکار ایه حریت مالیه فی ساب طریقله عدالتدن انحراف و ظلم اولوب ظالم محکوم ظلمت ابدیه در . حتی علیه الصلاة و السلام اقدم من حضرتلری (اتقوا ما یرک البلاد بالاقع الظالم و الیمین الغموس و ترک الصلاة) بیور مشدر . مملکتلره خراب ایدوب سنکستانه چورین اوج خالدين صاقینکزی بری ظلم بری یلان بره یمین دیکریده شعار اسلامیه دن اولان نمازک ترکیدر بیور مشدر . ایشه دین مبین اسلام معامله ناسده و تجارتده حقوقی متساویاً محافظه ایچون امر جلیل عدالتی فرمان بیوروب هر وجهله هر شخصه قارشی ظلمدن نهی ایدر که تحریم بیور مشدر . حتی حدیث شریفده (من آذى ذنباً فانا خصمه يوم القيمة) بیوروب بر ذمی بی غیر حق اذا ایدر که قیامتده خصمی یم